

歷代長城攷

得天廬存稿之二

紹興壽鵬飛撰



歷代長城攷

言長城者其書夥矣。然大抵推重秦城。且謬以北齊北魏之築爲秦城。而於漢代漢北女真漠南兩大長城。工事之鉅。遠過秦城者。多不及詳焉。茲特述之。并其他長城之始末。

周時之長城

詩出車篇。王命南仲。城彼朔方。朔方之有長城。蓋始於此。以禦獫狁。其地顧亭林郡國利病書以爲在今河套。即秦漢朔方郡境也。逮後春秋時。齊有長城。管子輕重篇。長城之陽魯也。陰齊也。左襄十八年。諸侯同伐齊。齊

侯禦諸平陰。塹防門而守之。防門。齊長城門也。方輿紀
要以爲在平陰西二十五里。史記趙世家。成侯十七年。
侵齊。至長城。史記正義。齊長城西頭在平陰縣。太山記。
太山西北有長城。緣河。經太山千餘里。至琅琊入海。括
地志。齊長城西北起平陰縣。沿河。歷太山北岡。東至密
州琅琊臺入海。按此城蓋築自桓公。國語。桓公築葵丘。
茲。晏。負夏。頓。釜丘。以禦戎狄。築五鹿。中牟。蓋與牡丘。以
衛諸夏。長城之築。蓋當其時。

次則楚長城。盛弘之荊州記。葉縣東北有故城。始犍縣。
東至瀾水。達泚陽。南北數百里。號爲方城。漢書地理志。
水經注。亦均載之。按此方城。與左氏傳楚國方城以爲

城方城爲山名者異地

又次爲魏長城竹書記年周顯王十年魏龍賈帥師築

長城於西邊又史記魏世家惠王十九年即周顯王十年築長

城塞固陽正義自鄭濱今陝西華縣地時鄭國初封邑也洛北今陝西洛川縣

地達銀州在陝西米脂縣西北至勝州今陝西神木府谷等縣地固陽在河套北

拉持爲塞也固陽有連山東至黃河西句南至夏今寧夏省

東會今寧夏縣地等州按史記此云築長城又云塞固陽城

與塞分別言之是城與塞爲兩事勿可混也城以界秦

南北之城也故竹書城年曰築於西邊西邊者正義曰

魏向有鄜州上郡之地知此城在上郡之西今陝西綏德州鄜州

均有古長城秦國策蘇秦謂魏王曰魏西有長城之界

是也。塞以限匈奴。東西之城也。故正義曰。固陽有連山。東至黃河西。所謂連山。即陰山山脈。黃河指河套也。河套之西。爲賀蘭山脈。在寧夏省東境北行。繞河套之北而東。爲陰山山脈。今綏遠省卓資山是也。河套之北。今爲固陽縣地。縣仍古名也。秦漢時稱陽塞。即此地矣。魏築此塞。因連山之形勢。自上郡長城之北端。又北拓而東展。以防北虜者也。於此有應注意者。凡史漢書例。在內地者。稱城。在北陲者。稱塞。觀於正義所云。至勝州固陽而爲塞。厥意甚明。而其建築。則無異也。而魏又有南長城。與楚界。後漢書郡國志河南郡下云。卷有長城。經武陽。到密水。經注亦載之。在今河南西部。顧亭林曰。知錄以

爲韓長城也。

又次爲燕長城。史記匈奴傳。燕築長城。自造陽至襄平。

以拒胡。

造陽今察哈爾省懷來縣地。光緒畿輔志則以爲即今張家口。襄平在今遼寧省遼陽縣西北。

秦漢時遼東郡治也。按爾時燕境自秦開擊破林胡。拓地至今察

哈爾省東部。置上谷郡。又北拓地。奄有今熱河省南部。

置遼西郡。又東拓地。至今遼寧省。置遼東郡。

均見史記匈奴傳。

是其所築。必在三郡北境。以長城爲其國界。蓋無疑義。

此城所經。當爲西起今張家口。東北行。逕張北。多倫。獨

石。

清時稱口北三廳。

等境。又東入今熱河省境之圍場。承德。朝

陽等縣。又東越盤巫閭山脈而度遼河。以達遼陽。据近

人林傳甲察哈爾鄉土志所舉。在張北。多倫。均有遺址。

迄今尚可按也。見後但其後又有東展。史記朝鮮傳。燕人

衛滿嘗略屬真番朝鮮。爲置吏。築鄣塞。是燕時長城已

及朝鮮。爲秦時長城直達朝鮮之所因。見後而燕復有南

長城與趙界。史記燕世家。燕長城以北。易水以南。可知

城在燕南。戰國燕策。張儀謂燕王曰。秦下甲雲中。驅趙

而攻燕。則易水長城非大王有者是也。今攻此城。水經

南易水注云。易水東屈關門城西南。即燕之長城門也。

又東屈燕長城南。又東屈逕長城西。武隧縣南。舊安肅縣地今

改名徐水秦漢時武隧縣也俗又謂爲武隧津。津北對長城門。据此

知是城蓋沿南易水而築。爾時燕趙蓋以南易水爲國

界。亦即以此城爲國界也。方輿紀要稱是城爲黑盧堤。

即就城址爲堤以障水耳。光緒畿輔志則逕稱長城堤。

謂西起安肅至安州新安順電河。

即南易水

而下。然此城實

西起易州。不自安肅。乾隆易水志。長城外自安肅境接

入德山社孤山邨。西順唐河。

亦南易分支

折北至曲城邨而

西至孔山社唐湖邨。西去武莊社柳泉邨。北達牛金口。

蜿蜒西北入山。所云入山五迴山也。是城西端。蓋與中

山長城接。

中山長城見後

今五迴嶺西有黃土嶺城。爲易縣涑

源

舊廣昌縣

兩縣分界。即是城最西終點。是在安肅以西尚

百餘里。而其東端亦不止新安。林傳甲河北省鄉土志

以爲直達任邱。文安諸縣直與南易水相終始。在趙宋

時因之以與遼金爲界城。今悉存遺址。可按也。

又次則爲趙長城。趙長城有三：一在趙東南境。史記趙世家：肅侯十七年，築長城。又武靈王謂樓緩曰：我先王因世之變，以長南藩，屬阻漳滏之險，立長城。顧亭林曰：知錄以爲此城在漳水之北。今河北磁縣及河南臨漳縣間皆有遺址。一在趙北境。史記匈奴傳：武靈王北破林胡樓煩，築長城，自代今山西大同朔平等縣地並陰山至高闕。在河套西北，今綏遠省鄂爾多斯旗地。有兩山對峙如闕也。其下有城。爲塞。正義引虞氏說：趙武侯自五原在河套北，今烏拉特旗地，河曲與山西北，流向東，曲處，築長城，東至陰山是也。一在趙中部。史記正義：趙長城從蔚州今察哈爾省蔚縣西北至嵐州今山西嵐縣。畿輔志以此城爲即今宣府南邊故址。今存東自蔚縣蜚狐口，南至涑

源西折逕靈邱渾源諸縣又西歷平刑

亦作瓶形

北樓寧武

雁門偏頭諸關以至河曲

山西河曲縣

之長城是其遺址經

元魏及明代重築稱為內邊長城其西端岢嵐一段即今嵐縣長城山也但今自偏關迤西至老營堡又西南至保德州黃河崖亦有長城或明代所延築耳

又次為中山長城史記趙世家趙成侯八年中山築長

城戰國時中山建國當恆岳中部漢為中山郡

今河北省舊真

定府屬地

此城蓋北起秦嶺山逕長城嶺

方輿紀要長城嶺在慶雲縣西南四十

里縱貫恒山並太行而南下凡龍泉倒馬井陘娘子固

關皆屬之方輿紀要以為至贊皇縣後溝口始竟然不

止此而南達邢臺縣黃澤關宋陳口

亦見方輿紀要邢臺篇又南

至明水嶺大嶺口而止。

見光緒畿輔志

昔以此爲直隸山西兩

省界城是爲南北縱貫之長城其秦嶺山以北則有趙之蔚嵐城橫其西燕之南長城橫其東各以奠其國界也。

秦時之長城

秦築長城始於昭王時史記匈奴傳昭王伐殘義渠

今在

寧夏省東南境即周公劉邢邑地

於是秦有隴西北地上郡築長城以

拒胡蓋前此秦未與胡接壤今既得三郡必先固邊圉然後可進爭中原上郡本魏地魏前已築固陽塞昭王所築是否東仍魏城已不可知但固陽遠在陰山其時趙亦有並陰山長城之築似魏之上郡雖入於秦而北

徵固陽。或入於趙。若然。則上郡秦城。必當南縮。不循魏塞矣。然則城當何在。按史記衛青傳。有榆谿舊塞。漢稱舊塞。蓋以別於蒙恬城之新塞。榆谿云者。當即今陝北之榆林鎮。秦時上郡治綏州。今陝西綏德縣榆林地當其北。昭王所築。或即在此。爲明代陝北邊牆始基。至北地設郡。在上郡西。爾時秦未收河南地。所築當不出靈朔寧固間。漢書所稱河南塞。即是城矣。稱河南塞者。別於河套北之蒙恬城。若隴西秦郡。設治鞏昌。其西百里。即爲臨洮。昭王所築。是否已至臨洮。雖不可知。然亦後代陝甘長城張本。後人每謂今存長城。悉出秦築。實則止此。且亦秦昭所創。而非出於始皇也。此其一。史記蒙恬傳。始皇二十六年。使蒙

恬將三十萬衆北逐匈奴收河南地即河套爲禹貢析枝渠搜地河至此

遇山析爲二枝秦收是地置朔方郡謂之新秦中築長城因地形用險制塞起

臨洮今甘肅岷縣至遼東延袤萬餘里於是度河據陽山索隱

陰山在河南北逶迤而北又匈奴傳始皇使蒙恬北擊匈

奴悉收河南地因河爲塞築四十四縣城臨河徙適戍

充之因邊山險塹谿谷可繕者治之起臨洮至遼東萬

餘里又度河據陽山北假中索隱北假在陽山北夫曰因河爲塞

曰度河據陽山北假又曰逶迤而北是始皇之城遠在

河套極北且又度河而北矣此其二於此有宜注意者

昭王所築在未收河套以前故北至上郡而止即趙武

靈所築亦僅沿陰山山脈北至高闕而已始皇所築臨

河而又迤北。乃在陽山山脈。在昭王舊築及趙築之北矣。賈誼過秦論所謂却匈奴七百餘里。可知新築亦必北徙也。或疑河套以東。本有趙築。並陰山之塞。安知非秦築因之。不知趙築在白道嶺。而秦築則在九原郡。白道

嶺在陰山南。今大同縣西北。秦九原郡。漢改五原郡。在朔方郡北。朔方即河套地。五原直河套北。今五原縣及烏拉特旗地。所謂陽山北假也。漢書匈奴傳稱秦城爲五原塞者。以此。水經注。白道嶺左

右山上有垣。若頽基焉。互嶺東西無極。疑趙武靈所築也。但疑趙築。不云秦築。又云。芒干水出塞外。南經陰山。又西南經白道南谷口。有城側帶長城。自城北出。有高阪。謂之白道嶺。嶺上土穴出泉。所謂飲馬長城窟也。徐廣曰。趙城在陰山南。秦城在陰山北。又崔豹古今注。秦

築長城土色皆紫。稱爲紫塞。趙城不然。知非一地矣。惟
魏塞固陽亦並陰山。未知趙築有因仍否。至西部臨洮
秦城。蓋不出昭王舊築。則以隴西秦郡治今鞏昌。臨洮
距鞏至近。或當無甚延展。由是言之。昭王所築。僅洮榆
一段。始皇新築。亦僅北拓至五原一段。秦城成績如是
而已。至其東部所云至遼東萬餘里者。則蓋皆仍燕築。
造陽襄平之線。因而聯絡之。補充之。所謂可繕者治之。
知非新築矣。不然十年之間。自始皇二十六年三十萬之
衆。斷不能成此萬里之長塞也。惟是秦因燕城。燕時旣
有烏桓地。置遼西郡矣。又有遼陽地。置遼東郡矣。是其
所築。必在遼東西兩郡領土北境。以爲國界。此城所經。

當必橫斷今察哈爾熱河兩省中部以達遼東斷無縮
入內地建設邊塞阻絕交通自棄境土之理秦因燕城
理亦宜然故知此城斷非今存張家口至臨渝關之內
地長城而爲北方之又一長城明矣今攷厥遺址据林
傳甲察哈爾鄉土志在張北者有南濠塹北濠塹二道
濠塹三道濠塹其附近更有幾多古城在多倫者有邊
牆底證爲燕秦古蹟其他圍場承德朝陽等縣亦時有
發見圍場有城見後金長城條其襄平以東至於朝鮮尚有衛滿之
城厥時亦屬於秦而史記未與臨洮襄平之綫併爲一
談者則如匈奴傳所言秦以外徼視之不加注重耳要
之趙城也燕城也秦城也皆非今之所謂長城今之長

城悉出北齊北魏之築

見後齊魏長城條

特以明代修繕之鉅

工遂顯於世而後人耳食繆以歸功於始皇而始皇新

築之蒙恬城反無稱焉則以後世未加修葺而忽之也

漢代之長城

漢初秦築長城尚完固平城一役旋即罷兵未事邊防

至武帝好勤遠畧出塞之師無歲無之

爾時所謂塞也者皆秦城也

而北逐匈奴收漠南地更遠跡至燕然山

今外蒙古兼杭愛山

定西域收奪祁連山

今新疆天山

斷匈奴右臂乃於蒙恬秦

城之北又千餘里越瀚海更築大規模之長城漢書匈

奴傳武帝太初三年使光祿勳徐自爲出五原塞

即河套北

之蒙恬城漢爲五原郡地千里築城障列亭至盧胸盧胸水名亦作